

## ■ IL TEATER E SIA ARCHITECTURA (III)

# The Globe Theatre a Londra

DA ANDREA L. RASSEL, KREUZLINGEN

**Il «Globe Theatre» sa chattava sin la riva al sid dal flum Thames a Southwark a Londra. Cumpletà la stad da l'onn 1599 da Cuthbert e Richard Burbage è il teater vegnì considerà sco ina da las meglras chasas da teater a Londra.**

Quella distincziun ha «The Globe Theatre» pudì preservar fin ch'el è vegnì destrui en in arsament l'onn 1642. La chasa e la tribuna eran construidas per gronda part da lenn reziclada dal teater «The Theatre» da James Burbage; lez teater era vegnì deonstrui per bajegiar in teater pli grond. «The Theatre» era in dals emprims teaters a Londra. Suentar si'inauguraziun l'onn 1576 han almain trais grondas gruppas da teater giugà en il teater: ils Leicester's Men (1576–78), ils Admiral's Men (1590–91 ed ils Lord Chamberlain's Men (1594–96).

Il «Globe Theatre» era in edifizii radund cun ina gronda curt averta en il center cun trais galarias cuvertas enturn la curt. Il teater era polivalent e vegniva duvrà per preschentaziuns da scrima, per eveniments atletics e natiralmain per preschentaziuns da teater – las pli famusas quellas da tocs



da William Shakespeare. Oz sa chatta bunamain al medem lieu a Southwark ina reconstrucziun dal «The Globe Theatre». Cumpletà l'onn 1996 less «The New Globe Theatre» mussar als visitaders en moda e maniera fitg illustrativa co il teater il pli famus dal temp da Shakespeare veseva or.

**Durant la stad pon ins visitar diversas preschentaziuns da teaters dal grond bard. ([www.shakespeareglobe.com](http://www.shakespeareglobe.com))**